

高僧傳卷第九

廣三

梁會稽嘉祥寺沙門慧皎撰

神異上

竺佛圖澄一

單道開二

竺佛調三

耆域四

竺佛圖澄者西域人也本姓帛氏少出家清
 真務學誦經數百萬言善解文義雖未讀此
 土儒史而與諸學士論辯疑滯皆闇若符契
 無能屈者自云再到罽賓受誨名師西域咸
 稱得道以晉懷帝永嘉四年來適洛陽志弘
 大法善誦神呪能役使鬼物以麻油雜燕脂
 塗掌千里外事皆徹見掌中如對面焉亦能
 令潔齋者見又聽鈴音以言事無不効驗欲
 於洛陽立寺值劉曜寇斥洛陽臺帝京擾亂
 澄立寺之志遂不果迺潛澤草野以觀世變
 時石勒屯兵葛陂專以殺戮為務沙門遇害

者甚眾澄憫念蒼生欲以道化勒於是杖策
 到軍門勒大將郭黑略素奉法澄即投止略
 家略從受五戒崇弟子之禮略後從勒征伐
 輒預剋勝負勒疑而問曰孤不覺卿有出眾
 智謀而每知行軍吉凶何也略曰將軍天挺
 神武幽靈所助有一沙門術智非常云將軍
 當略有區夏已應為師臣前後所白皆其言
 也勒喜曰天賜也召澄問曰佛道有何靈驗
 澄知勒不達深理正可以道術為徵因而言
 曰至道雖遠亦可以近事為證即取應器盛
 水燒香呪之須臾生青蓮花光色耀目勒由
 此信服澄因而諫曰夫王者德化洽於宇內
 則四靈表瑞政弊道消則彗孛見於上恒象
 著見休咎隨行斯迺古今之常徵天人之明
 誠勒甚悅之凡應被誅餘殘蒙其益者十有
 八九於是中州胡晉略皆奉佛時有痼疾世
 莫能治者澄為醫療應時瘳損陰施嘿益者
 不可勝記勒自葛陂還河北過枋頭枋頭人

夜欲斫營語黑略曰須臾賊至可令公知果如其言有備故不敗勒欲試澄夜冠冑衣甲執刃而坐遣人告澄云夜來不知大將軍所在使人始至未及有言澄逆問曰平居無寇何故夜嚴勒益敬之勒後因忿欲害諸道士并欲苦澄澄迺避至黑略舍語弟子曰若將

廣三

二

軍信至問吾所在者報云不知所之信人尋至覓澄不得使還報勒勒驚曰吾有惡意向聖人聖人捨我去矣通夜不寢思欲見澄澄知勒意悔明旦造勒勒曰昨夜何行澄曰公有怒心昨故權避公今改意是以敢來勒大笑曰道人謬耳襄國城塹水源在城西北五里圍九祀下其水暴竭勒問澄何以致水澄曰今當勅龍勒字世龍謂澄嘲已荅曰正以龍不能致水故相問耳澄曰此是誠言非戲也水泉之源必有神龍居之今往勅語水必可得迺與弟子法首等數人至泉源上其源故處久已乾燥坵如車轍從者心疑恐水難

得澄坐繩床燒安息香呪願數百言如此三日水泫然微流有一小龍長五六寸許隨水來出諸道士競往視之澄曰龍有毒勿臨其上頃頃水大至隍塹皆滿澄閑坐歎曰後二日當有一小人驚動此下既而襄國人薛合有二子既小且驕輕弄鮮卑奴奴忿抽刃刺

殺其弟執兄于室以刀擬心若人入屋便欲加手謂合曰送我還國我活汝兒不然則共死於此內外驚愕莫不往觀勒迺自往視之謂薛合曰送奴以全卿子誠為善事此法一聞方為後害卿且寬情國有常憲命人取奴奴遂殺兒而死鮮卑段波攻勒其眾甚盛勒

廣三

三

懼問澄澄曰昨寺鈴鳴云明日食時當擒段波勒登城望彼軍不見前後失色曰軍行地傾波豈可獲是公安我辭耳更遣夔安問澄澄曰已獲波矣時城北伏兵出遇波執之澄勸勒宥波遣還本國勒從之卒獲其用時劉載已死載從弟曜篡偽位稱元光初光初

八年曜遣從弟偽中山王岳將兵攻勒勒遣石虎率步騎拒之大戰洛西岳敗保石梁塢虎堅柵守之時澄與弟子自官寺至中寺始入寺門歎曰劉岳可憫弟子法祚問其故澄曰昨日亥時岳已被執果如所言至光初十一年曜自率兵攻洛陽勒欲自往拒曜內外僚佐無不必諫勒以訪澄澄曰相輪鈴音云秀支替戾罔僕谷劬禿當此羯語也秀支軍也替戾罔出也僕谷劉曜胡位也劬禿當捉也此言軍出捉得曜也時徐光聞澄此旨苦勸勒行勒乃留長子石弘共澄以鎮襄國自率中軍步騎直詣洛城兩陣纒交曜軍大潰曜馬沒水中石堪生擒之送勒澄時以物塗掌觀之見有大衆衆中縛一人朱絲約其肘因以告弘當介之時正生擒曜也曜平之後勒迺僭稱趙天王行皇帝事改元建平是歲晉成帝咸和五年也勒登位已後事澄弥篤時石萇將叛其年登誠勒曰今年萇中有蟲

食之必害人可令百姓無食萇也勒班告境內慎無食萇到八月石萇果走勒益加尊重有事必諮而後行號大和尚石虎有子名斌後勒為兒勒愛之甚重忽暴病而亡已涉二日勒曰朕聞號太子死扁鵲能生大和尚國中之神人可急往告必能致福澄迺取楊枝呪之須臾能起有頃平復由是勒諸稚子多在佛寺中養之每至四月八日勒躬自詣寺灌佛為兒發願至建平四年四月天靜無風而塔上一鈴獨鳴澄謂衆曰鈴音云國有大喪不出今年矣是歲七月勒死子弘襲位少時石虎廢弘自立遷都于鄴稱元建武虎傾

廣三

四

朝表朕敬焉澄時止鄴城內中寺遣弟子法常北至襄國弟子法佐從襄國還相遇在梁基城下共宿對車夜談言及和尚比旦各去法佐至始入覲澄澄逆笑曰昨夜介與法常交車共說汝師耶先民有言不曰敬乎幽而不改不曰慎乎獨而不怠幽獨者敬慎之本介不識乎佐愕然愧憾於是國人每共相語莫起惡心和尚知汝及登之所在無敢向其方面涕唾便利者時太子石邃有二子在襄國澄語邃曰小阿弥比當得病可往迎之邃即馳信往視果已得病大醫殷騰及外國道士自言能治澄告弟子法牙曰正使聖人復出不愈此病況此等乎後三日果死石邃荒酒將圖為逆謂內豎曰和尚神通儻發吾謀明日來者當先除之澄月望將入覲虎謂弟子僧慧曰昨夜天神呼我曰明日若入還勿過人我儻有所過汝當止我澄常入必過邃邃知澄入要候甚苦澄將上南臺僧慧引衣

廣三

五

澄曰事不得止坐未安便起邃固留不住所謀遂差還寺歎曰太子作亂其形將成欲言難言欲忍難忍迺因事從容箴虎虎終不解俄而事發方悟澄言後郭黑略將兵征長安北羗墜羗伏中時澄在堂上坐弟子法常在側澄慘然改容曰郭公今厄唱云衆僧呪願澄又自呪願須臾更曰若東南出者活餘向則困復更呪願有頃曰脫矣後月餘日黑略還自說墮羗園中東南走馬乏正遇帳下人推馬與之曰公乘此馬小人乘公馬濟與不濟任命也略得其馬故獲免推檢日時正是澄呪願時也石虎兒偽大司馬燕公石斌虎以為幽州牧鎮群凶湊聚因以肆暴澄誡虎曰天神昨夜言疾收馬還至秋齊當癘爛虎不解此語即勅諸處收馬送還其秋有人譖斌於虎虎召斌鞭之三百殺其所生母齊氏虎彎弓捨矢自視行斌罰輕虎乃手殺五百澄諫曰心不可縱死不可生禮不親殺以

傷恩也何有天子手行罰乎虎乃止後晉軍出淮泗隴北凡城皆被侵逼三方告急人情危擾虎乃瞋曰吾之奉佛供僧而更致外寇佛無神矣澄明旦早入虎以事問澄澄因諫之曰王過去世經為大商主至罽賓寺嘗供大會中有六十羅漢吾此微身亦預斯會時

得道人謂吾曰此主人命盡當受鷄身後王晉地今王為王豈非福耶壇場軍寇國之常耳何為怨謗三寶夜與毒念乎虎迺信悟跪而謝焉虎嘗問澄佛法不殺朕為天下之主非刑殺無以肅清海內既違戒殺生雖復事佛詎獲福耶澄曰帝王事佛當在體恭心順顯暢三寶不為暴虐不害無辜至於凶愚無賴非化所遷有罪不得不殺有惡不得不刑但當殺可殺刑可刑耳若暴虐恣意殺害非罪雖復傾財事法無解殃禍願陛下省欲與慈廣及一切則佛教求隆福祚方遠虎雖不能盡從而為益不少虎尚書張良張離等家

廣三

六

富事佛各起大塔澄謂曰事佛在於清靖無欲慈矜為心檀越雖儀奉大法而貪悋未已遊獵無度積聚不窮方受現世之罪何福報之可希耶離等後並被戮滅時又久旱自正月至六月虎遣太子詣臨漳西金口祈雨久而不降虎令澄自行即有白龍二頭降於祠所其日大雨方數千里其年大收戎貊之徒先不識法聞澄神驗皆遙向禮拜並不言而化焉澄嘗遣弟子向西域市香既行澄告餘弟子曰掌中見買香弟子在某處被賊垂死因燒香呪願遙救護之弟子後還云某月某日於某處為賊所劫垂當見殺忽聞香氣賊無故自驚曰救兵已至棄之而走虎於臨漳修治舊塔少承露盤澄曰臨淄城內有古阿育王塔地中有承露盤及佛像其上林木茂盛可掘取之即盡圖與使依言掘取果得般像虎每欲伐燕澄諫曰燕國運未終卒難可尅虎屢行敗績方信澄誠澄道化既行民多

奉佛皆營造寺廟相競出家真偽混淆多生
僣過虎下書問中書曰佛号世尊國家所奉
里閭小人無爵秩者為應得事佛與不又沙
門皆應高潔真正行能精進然後可為道士
今沙門甚衆或有姦宄避役多非其人可料
簡詳議真偽中書著作郎王度奏曰夫王者

廣三

七

郊祀天地祭奉百神載在祀典禮有嘗饗佛
出西域外國之神功不施民非天子諸華所
應祀奉往漢明感夢初傳其道唯聽西域人
得立寺都邑以奉其神其漢人皆不得出家
魏承漢制亦循前軌今大趙受命率由舊章
華戎制異人神流別外不同內饗祭殊禮華

夏服禮不宜雜錯國家可斷趙人悉不聽詣
寺燒香禮拜以遵典禮其百辟卿士下逮眾
隸例皆禁之其有犯者與淫祀同罪其趙人
為沙門者還從四民之服偽中書令王波同
度所奏虎下書曰度議云佛是外國之神非
天子諸華所可宜奉朕生自邊壤忝當期運

君臨諸夏至於饗祀應兼從本俗佛是戎神
正所應奉夫制由上行永世作則苟事允無
虧何拘前代其夷趙百蠻有捨於淫祀樂事
佛者悉聽為道於是慢戒之徒因之以厲黃
河中舊不生龜忽得一以獻虎澄見而歎曰
桓温其入河不久温字元子後果如言也時

魏縣有一流民莫識氏族恒著麻襦布裳在
魏縣市中乞丐時人謂之麻襦言語卓越狀
如狂病乞得米穀不食輒散置大路云飼天
馬趙興太守籍收送詣虎先是澄謂虎曰
國東二百里某月某日當送一非常人勿殺
之也如期果至虎與共語了無異言唯道陞
下當終一柱殿下虎不解此語令送以詣澄
麻襦謂澄曰昔在光和中會奄至今日西戎
受玄命絕曆終有期金離消于壤邊荒不能
遵驅除靈期迹莫已已之懿囊苗葉繁其來
方積休期於何期永以歡之澄曰天迴運極
否將不支九木水為難無可以術寧玄哲雖

存世莫能基必類父遊閭浮利擾擾多此患
行登凌雲宇會於虛遊間澄與麻襦講語終
日人莫能解有竊聽者唯得此數言推計似
如論數百年事虎遣驛馬送還本縣既出城
外辭能步行云我當有所過未便得發至合
口橋可留見待使如言馳去未至合口而麻

廣三

八

襦已在橋上考其行步有若飛也澄有弟子
道進學通內外爲虎所重嘗言及隱七事虎
謂進曰有楊軻者朕之民也徵之十餘年不
恭王命故往省視傲然而卧朕雖不德君臨
万邦乘輿所向天沸地涌雖不能令木石屈
膝何匹夫而長傲耶昔太公之齊先誅華士
太公賢哲豈其謬乎進對曰昔舜優蒲衣禹
造伯成魏飾干木漢美周黨管寧不應曹氏
皇甫不屈晉世二聖四君共加其節將欲激
厲貪競以峻清風願陛下遵舜禹之德勿數
太公用刑君舉必書豈可令趙史遂無隱遁
之傳乎虎悅其言即遣軻還其所止差十家

供給之進還具以白澄澄莞然笑曰汝言善
也但軻命有所懸矣後秦州兵亂軻弟子以
牛負軻西奔成軍追擒并爲所害虎嘗晝寢
夢見群羊負魚從東北來寤以訪澄澄曰不
祥也鮮卑其中有中原平慕容氏後果都之澄
常與虎共昇中臺澄忽驚曰變變幽州當火

災仍取酒灑之久而笑曰救已得矣虎遣驗
幽州云今日火從四門起西南有黑雲來驟
雨滅之雨亦頗有酒氣至虎建武十四年七
月石宣石韜將圖相殺宣時到寺與澄同坐
浮圖一鈴獨鳴澄謂宣曰解鈴音乎鈴云胡
子洛度宣變色曰是何言歟澄謬曰老胡爲

廣三

九

道不能山居無言重茵美服豈非洛度乎石
韜後至澄熟視良久韜懼而問澄澄曰怪公
血鼻故相視耳至八月澄使弟子十人齋于
別室澄時暫入東閣虎與后杜氏問訊澄澄
曰脇下有賊不出十日自佛圖以西此殿以
東當有流血慎勿東行也杜后曰和尚耄耶

何處有賊澄即易語云六情所受皆悉是賊老自應耄但使少者不憚遂便寓言不復彰的後二日宣果遣人害韜於佛寺中欲因虎臨喪仍行大逆虎以澄先誠故獲免及宣事發被收澄諫虎曰既是陛下之子何爲重禍耶陛下若含恕加慈者尚有六十餘歲如必

誅之宣當爲彗星下掃鄴宮也虎不從以鐵鑊穿宣領牽上薪積而焚之收其官屬三百餘人皆輟裂肢解投之漳河澄迺勅弟子罷別室齋也後月餘日有一妖馬髦尾皆有燒狀入中陽門出顯陽門東首東宮皆不得入走向東北俄亦不見澄聞而歎曰災其及矣

至十一月虎大饗群臣於太武前殿澄吟曰殿乎殿乎棘子成林將壞人衣虎令發殿石下視之有棘生焉澄還寺視佛像曰悵恨不得莊嚴獨語曰得三年乎自荅不得不得又曰得二年一年百日一月乎自荅不得迺無復言還房謂弟子法祚曰戊申歲禍亂漸萌

已百歲石氏當滅吾及其未亂先從化矣即遣人與虎辭曰物理必遷身命非保貧道災幻之軀化期已及既荷恩殊重故逆以仰聞虎愴然曰不聞和尚有疾迺忽尔告終即自出宮寺而慰喻焉澄謂虎曰出生入死道之常也脩短分定非所能延夫道重行全德貴

無怠苟業操無虧雖亡若在違而獲延非其所願今意未盡者以國家心存佛理奉法無吝興起寺廟崇顯壯麗稱斯德也宜享休祉而布政猛烈淫刑酷濫顯違聖典幽背法戒不自懲革終無福祐若降心易慮惠此下民則國祚延長道俗慶賴畢命就盡沒無遺恨

廣三

十

虎悲慟嗚咽知其必逝即爲鑿墳營墳至十二月八日卒於鄴宮寺是歲晉穆帝永和四年也士庶悲慟哀號赴傾國春秋一百一十七矣仍定於臨漳西紫陌即虎所創塚也俄而梁犢作亂明年虎死并閔纂戮石種都盡閔小字棘奴澄先所謂棘子成林者也澄左

乳傍先有一孔圍四五寸通徹腹內有時腸從中出或以絮塞孔夜欲讀書輒拔絮則一室洞明又齋日輒至水邊引腸洗之還復內中澄身長八尺風姿詳雅妙解深經傍通世論講說之日止標宗致使始末文言昭然可了加復慈洽蒼生拯救危苦當二石凶強虐

害非道若不與澄同日孰可言哉但百姓蒙益日用而不知耳佛調須菩提等數十名僧皆出自天竺康居不遠數萬之路足涉流沙詣澄受訓焚沔釋道安中山竺法雅並跨越關河聽澄講說皆妙達精理研測幽微澄自說生處去鄴九萬餘里棄家入道一百九年酒不踰齒過中不食非戒不履無欲無求受業追隨者常有數百前後門徒幾且一萬所歷州郡興立佛寺八百九十三所弘法之盛莫與先矣初虎殮澄以生時錫杖及鉢內棺中後冉閔篡位開棺唯得鉢杖不復見屍或言澄死之月有人見在流沙虎疑不死開棺

廣三

十一

不見屍後慕容儁都鄴處石虎宮中每夢見虎齧其臂意謂石虎為祟迺募覓虎屍於東明館掘得之屍殮不毀儁乃踰之罵曰死胡敢怖生天子汝作官殿成而為汝兒所圖況復他耶鞭撻毆辱投之漳河屍倚橋柱不移秦將王猛迺收葬之麻襦所謂一柱殿也後

符堅征鄴儁子暉為堅大將郭神虎所執實先夢虎之驗也田融趙記云澄未亡數年自營家壙澄既知塚必開又屍不在中何容預作恐融之謬矣澄或言佛圖澄或言佛圖澄或言佛圖澄單道開姓孟燉煌人少懷栖隱誦經四十餘

萬言絕穀餌栢實栢實難得復服松脂後服細石子一吞數枚數日一服或時多少噉薑椒如此七年後不畏寒暑冬袒夏溫晝夜不卧始同學十人共契服食十年之外或死或退唯開全志阜陵太守遣馬迎開開辭能步行三百里路一日早至山樹諸神或現異形

試之初無懼色以石虎建武十二年從西平來一日行七百里至南安度一童子爲沙彌年十四稟受教法行能及開時大史奏虎云有仙人星見當有高士入境虎昔勅州郡有異人令啓聞其年冬十一月秦州刺史上表送開初止鄴城西法赫祠中後徙臨漳照德寺於房內造重閣高八九丈許於上編管爲禪室如十斛籬大常坐其中虎資給甚厚開皆以惠施時樂仙者多來諮問開都不荅迺爲說偈云我矜一切苦出家爲利世利世須學明學明能斷惡山遠粮粒難作斯斷食計非是求仙侶幸勿相傳說開能救眼疾時秦公石韜就開治目著藥小痛韜甚憚之而終得其効佛圖澄曰此道士觀國興衰若去者當有大災至石虎太寧元年開與弟子南度許昌虎子姪相殺鄴都大亂至晉昇平三年來之建業俄而至南海後入羅浮山獨處茅茨蕭然物外春秋百餘歲卒于山舍勅弟子

廣三

十一

以屍置石穴中弟子迺移之石室有康泓者昔在北間聞弟子叙開昔在山中每有神仙去來迺遙心敬悒及後從役南海親與相見側席鑽仰稟聞備至迺爲之傳讚讚曰蕭哉若人飄然絕塵外軌小乘內暢空身玄象暉曜高步是臻食茹芝英流浪巖津晉興寧元年陳郡袁宏爲南海太守與弟穎叔及沙門支法防共登羅浮山至石室口見開形骸及香火瓦器猶存宏曰法師業行殊群正當如蟬蛻耳迺爲贊曰物隲招奇德不孤立遼遼幽人望巖凱入飄飄靈仙茲焉遊集遺屣在林千載一襲後沙門僧景道漸並欲登羅浮竟不至頂

竺佛調者未詳氏族或云天竺人事佛圖澄爲師住常山寺積年業尚純樸不表飾言時咸以此高之常山有奉法者兄弟二人居去寺百里兄婦疾篤載出寺側以近醫藥兄既奉調爲師朝晝常在寺中諮詢行道異日調

忽往其家弟具問嫂所苦并審兄安否調曰病者粗可卿兄如常調去後弟亦策馬繼往言及調旦來兄驚曰和尚旦初不出寺汝何容見兄弟爭以問調調笑而不荅咸共異焉調或獨入深山一年半歲齋乾飯數斗還恒有餘有人嘗隨調山行數十里天暮大雪調

廣三

十三

入石穴虎窟中宿虎還共卧窟前調謂虎曰我奪汝處有愧如何虎迺弭耳下山從者駭懼調後自剋亡日遠近皆至悉與語曰天地長久尚有崩壞豈況人物而求求存若能蕩除三垢專心真淨形數雖乖而神會必同契衆咸流涕固請調曰死生命也其可請乎調迺還房端坐以衣蒙頭奄然而卒後數年調白衣弟子八人入西山伐木忽見調在高巖上衣服鮮明姿儀暢悅皆驚喜作禮和尚尚在耶調曰吾常在耳具問知舊可否良久迺去八人便捨事還家向諸同法者說衆無以驗之共發冢開棺不復見屍唯衣履在焉有

記云此竺佛調譯出法鏡經及十慧等按釋道安經錄云漢靈帝光和中沙門嚴佛調共安玄都尉譯出法鏡經及十慧等語在譯經傳而此中佛調迺東晉中代時人見名字是同便謂爲一謬矣

者城者天竺人也周流華戎靡有常所而個儻神奇任性忽俗迹行亦不恒時人莫之能測自發天竺至于扶南經諸海濱爰涉交廣並有靈異既達襄陽欲寄載過江船人見梵沙門衣服弊陋輕而不載船達北岸域亦已度前行見兩虎虎弭耳掉尾域以手摩其頭虎下道而去兩岸見者隨從成群晉惠之末至于洛陽諸道人悉爲作禮域胡踞晏然不動容色時或告人以前身所更謂支法淵從羊中來竺法與從人中來又譏諸衆僧謂衣服華麗不應素法見洛陽宮城云髣髴似忉利天宮但自然之與人專不同耳域謂沙門耆闍蜜曰匠此宮者從忉利天來成便還天

上矣屋脊瓦下應有千五百作器時咸云昔聞此匠實以作器者瓦下又云宮成之後尋被害焉時衡陽太守南陽滕永文在洛寄住滿水寺得病經年不差兩脚摩屈不能起行域往看之曰君欲得病差不因取淨水一杯揚柳一枝便以揚枝拂水舉手向永文而呪

廣三

十四

如此者三因以手搦永文脉令起即時起行步如故此寺中有思惟樹數十株枯死域問永文樹死來幾時永文曰積年矣域即向樹呪如呪永文法樹尋莢發扶踈榮茂尚方暑中有一人病癢將死域以應器著病者腹上白布通覆之呪願數千言即有臭氣燻徹一

屋病者曰我活矣域令人舉布應器中有若塗淤泥者數升是不可近病者遂瘥洛陽兵亂辭還天竺洛中有沙門竺法行者高足僧也時人方之樂令因請域曰上人既得道之僧願留一言以為永誠域曰可昔會衆人也衆既集域昇高座曰守口攝身意慎莫犯衆

惡修行一切善如是得度世言訖便禪默行重請曰願上人當授所未聞如斯偈義八歲童子亦已諳誦非所望於得道人也域笑曰八歲雖誦百歲不行誦之何益人皆知敬得道者不知行之自得道悲夫吾言雖少行者益多也於是辭去數百人各請域中食域皆

許往明旦五百舍皆有一域始謂獨過未相離問方知分身降焉既發諸道人送至河南城域徐行追者不及域迺以杖畫地曰於斯別矣其日有從長安來者見域在彼寺中又賈客胡濕登者即於是日將暮逢域於流沙計已九千餘里既還西域不知所終

十五

高僧傳卷第九

神異上

廣三

芻賓反國名茵音也寇音斤下音苦候反賊也
葛音下澤音憫音念上音慧音李沒反妖音星反下音蕭
掃音也謂此星光如音痼疾音瘳損音病安音抽冠
曹音頭音鑑音亦云音乾音燥音老反車音轍音車音迹也
坑音嘲音竹音譙也音乾音燥音老反車音轍音車音迹也
泓音然音

哀號	改也	休祉	子反	柴聚	脅下	困下	軻反	也乞	也邊	混清	上而	式怙	湊聚	也盧	也反	也位	大上
毫下	也羊	福下	反上	反上	反上	反徒	反可	也乞	也邊	混清	上而	式怙	湊聚	也盧	也反	也位	大上
音咽	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
窆	下咽	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
里彼	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
驗	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
也反	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
創	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
造楚	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
也狀	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
反	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
繁	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
綿息	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
慮	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
也反	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
掉	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上
也苦	也福	也音	也力	也力	也力	反徒	反可	也乞	也邊	混清	上而	式怙	湊聚	也盧	也反	也位	大上

高僧傳卷第九

神異上

廣三

癥	買也	諮詢	蟬蛻	臻至	石穴	草音	也个	也反	彊	且	尾
中下	也反	反下	稅下	也巾	決下	也對	也个	也反	彊	且	尾
結知	也反	反下	稅下	也巾	決下	也對	也个	也反	彊	且	尾
病陵	也反	反下	稅下	也巾	決下	也對	也个	也反	彊	且	尾
也反	也反	反下	稅下	也巾	決下	也對	也个	也反	彊	且	尾
廣也	也反	反下	稅下	也巾	決下	也對	也个	也反	彊	且	尾
迨	也反	反下	稅下	也巾	決下	也對	也个	也反	彊	且	尾
也上	也反	反下	稅下	也巾	決下	也對	也个	也反	彊	且	尾
魚	也反	反下	稅下	也巾	決下	也對	也个	也反	彊	且	尾
近奇	也反	反下	稅下	也巾	決下	也對	也个	也反	彊	且	尾
濁反	也反	反下	稅下	也巾	決下	也對	也个	也反	彊	且	尾
泥下	也反	反下	稅下	也巾	決下	也對	也个	也反	彊	且	尾
十六	也反	反下	稅下	也巾	決下	也對	也个	也反	彊	且	尾
末	也反	反下	稅下	也巾	決下	也對	也个	也反	彊	且	尾
去	也反	反下	稅下	也巾	決下	也對	也个	也反	彊	且	尾
反	也反	反下	稅下	也巾	決下	也對	也个	也反	彊	且	尾
病	也反	反下	稅下	也巾	決下	也對	也个	也反	彊	且	尾